

Lepanthes lancifolia Schltr., nov. spec.

Epiphytica erecta, pergracilis, 7—8 cm alta; rhizomate valde abbreviato; radicibus filiformibus, flexuosis, glabris; caulibus gracillimis, vaginis 10—13 arcte amplectentibus, costis et ostio ovali valde acuminato paulo ampliato subglabris omnino obtectis, 4,5—6 cm longis, vix 1 mm diametro; folio erecto-patente, anguste lanceolato, longius et obtusiuscule

acuminato, sub lente apice ipso minute tridentato, basi cuneata brevissime petiolato, petiolo incluso 2—4 cm longo, infra medium 6—7,5 mm late, papyraceo; inflorescentiis 1—3-nis, erectis, nunc folii dimidium vix aequantibus nunc apicem subattingentibus, pedunculo setiformi, basi bivaginulato caeterum nudo, usque ad 1,3 cm longo, racemo ipso 3—8-floro, disticho. sensim evoluto, rhachi flexuosa; bracteis ovato-cucullatis, acuminatis, dorso nervo medio muriculatis, ovarii pedicellum subaequantibus; floribus in genere vix inter mediocres, succedaneis, glabris, inversis, ab apice sepali intermedii usque ad apices sepalorum lateralium 8 mm longis; sepalis ovatis, acuminatissimis, 3-nerviis, lateralibus obliquis; petalis transversis bicurvis, cruri superiore (in flore inverso) lanceolato, acuminato, subfalcato, brevi, inferiore oblongo, obtuso, quam superum duplo longiore et benelatior, toto 2 mm lato; labello crura superiora haud vel vix excedente, ex ungue lineari brevi, columnae adnato alte bipartito, partitionibus oblique triangulis, apice falcato incurvulis, acuminatis, angulis basalibus exterioribus divergentibus, obliquis, obtusis; columna mediocri, labellum fere aequante; ovario cum pedicello aequilongo glabro, c. 2,25 mm longo.

Costa Rica: Umgebung von San Ramon — G. Acosta, im Jahre 1921.

Anfangs hielt ich die Pflanze für *L. erinacea* Rchb. f., sah aber bald ein, daß sie nicht in diese Verwandtschaft gehören könne. Sie scheint vielmehr der *L. stenophylla* Schltr. aus Guatemala näher zu stehen, unterscheidet sich aber durch die längeren Blütenstielchen. Die sehr ungleichen Schenkel der Petalen und die sehr charakteristische Form der Lippen-segmente.